

勞氏碎金



勞氏碎
金三卷

雙照樓輯本
吳士鑑署贈



弟來書一存存此孤帙

歷年檢補亦在其中

兄代為編印指示官其字數

每行

成書間粘貼接 大約中卷費多 瑣法亦

想若

備先 近甚恨氣師刻工 仍付排印百幸何如

官石柱御史臺精舍題名二考屬稟垂半自顧年近衰
暮俾季言續成之又嘗箸登科記聞大興徐星伯已有

雙照樓輯本
吳士鑑署暉

唐樓勞氏三君傳

同縣吳昌綬撰

勞氏三君長檢初名金檢字梁甫一字青主次權字平甫一字龔卿自號蟬隱亦稱飲香詞隱次格字保艾一字季言家唐樓籍仁和怵爲諸生父經原字笙士嘗從武進臧在東游學有根柢好收書與歸安嚴修能德清徐新田爲問難之友修能歿刻所箸爾雅匡名二十卷爲之序尤熟唐代典制箸折衝府考未及寫定季言校補成書龔卿季言皆精校讐之學季言少受業於同邑朱進士以升一時名宿咸傾衿相契趙鉞星甫謨唐郎官石柱御史臺精舍題名二考屬稟垂半自顧年近衰暮俾季言續成之又嘗箸登科記聞大興徐星伯已有

成書遂中輟以宋尤延之洪文安洪文敏全集久佚舊
輯未備重爲蒐補得梁溪漫藁一卷文安小隱集一卷
文敏集八卷所校有元和姓纂大唐郊祀錄北堂書鈔
蔡中郎集文苑英華其他諸史及宋元人集或爲訂誤
或爲摭遺靡不詳核道咸之間名鈔舊槧往往尙存凡
所援据多世不經見之本藉傳至今有功於古書甚鉅
平居讀書置空冊於案間遇疑義輒筆疑之反覆互證
期至精案而後已鐫一印曰實事是正多聞闕疑凡校
本必鈐卷端蓋其爲學職志也龔卿手鈔書尤富兼工
倚聲校輯宋元詞集數十家其藏書之所曰學林堂曰
鉛槧齋曰丹鉛精舍曰拂塵掃葉之樓所居有燕喜堂

木夫容館秋井草堂漚喜亭玉參差館雙聲閣流風餘
韻猶可想見咸豐壬戌癸亥間寇氛益熾唐樓當孔道
不遑甯處青主與龔卿季言倉卒扁舟至雙溪就友人
歸安丁寶書僦一室居所箸在行篋間雖流離遷徙猶
蒼萃手寫不輟俄警至又偕之吳江之同里季言憂傷
致疾同治三年甲子卒年四十五昌綬案以季言卒年
推之生於嘉慶二十年
五年庚辰龔卿有咸豐丁巳八月廿一日手跋云是日
初度當生於嘉慶戊寅比季言長二歲其卒年在五十
外無子以手彙付寶書閱十年寶書爲編定讀書雜識
十二卷唐郎官石柱題名考二十四卷唐御史臺精舍
題名考三卷光緒戊寅彙成卽今月湖精舍本也龔卿

後季言數年卒箸述敝佚昌綬從詒宋樓善本書室兩

藏書志錄其手跋十餘事丁未來京師與武進董京卿
康互有采獲并輯季言條記在讀書雜識外者然存之
仿雷甘谿刻劉忭階遺書例目曰勞氏碎金青主文字
不概見丁君謂其素不治生經亂家益落拮据謀刻費
俾傳季言書友愛之竺亦可併也故就所撰季言事略
刪益之爲三君傳云

述曰昌綬自少憲爲勦訂之學比歲復博意盡搜宋金
元詞人別集與勞君兄弟辱同志又同里恨生差晚不
獲奉手請益循覽遺箸有餘慕焉方海內承平士夫家
多蓄舊籍諳故事父子兄弟相爲師友賓朋文酒從容
商榷吾鄉如小山瓶花以降蓋未易儂數稟卿季言被

服儒素孤秀自馨其淹田羣菽風指在抱經潛學諸老
間文章爾雅旁嫻聲律一一有流派可尋惜夫遭逢喪
亂顛頽卽世顧所造已絕異如此單門蕭落裔緒菴聞
慮志棄采錄有不盡詳故綜其學行叙而論之且以致
深慨也

勞氏碎金卷之上

同縣後學吳昌綬輯錄

仁和勞經原笙士

爾雅匡名跋

亡友歸安嚴悔盦先生精六書故訓之學早年著娛親雅言見稱於耆宿既乃成爾雅匡名二十卷丙子冬手槁本示余曰爾雅近邵氏撰正義注解精當而於俗本之誤及載籍所引文字異同闕焉不錄因著此書以補其未迨是亦讀爾雅者之所資也余許爲之鈔版遂以手槁見畀丁丑秋先生歿乃校理授梓宿草既列汗青斯竟校讐之頃略得數端案釋言祺祥也邵氏据詩維清傳以爲祺當作禎先生据山井鼎攷文謂作禎者係

崔靈恩本陸孔皆不遵用石經始依崔本然說文禎祥也同於爾雅則崔亦有所本矣華皇也引盧學士說郭氏釋草注作皇華也考今本爾雅實作華皇也蓋盧氏誤引耳釋天扶搖謂之焱文選放歌行素帶曳長颺注云爾雅或爲此焱兩字古通也風與火爲庀釋文庀本或作炖說文無炖字法苑珠林日月篇地動部引作炖廻風爲飄珠林廻作回與說文合釋水汝有潰陸氏新義潰作墳所云新義俱据舊鈔與雪囟本同今本詩汝

義潰作墳

本今本已多改易

與雪囟本同

墳今本詩汝

作墳案正義又云彼潰從水土此墳從土所云案詩正義

引李巡注曰江河汝旁有肥美之地名則從土非誤特與郭注重見之說不合耳釋蟲姑蠶強蚌蚌新義作蚌

云楚姓也說文有蚌無蚌視注意似原本作竿不從虫也蠨蛸長踦釋文云詩作蠨考廣韻一屋引詩蠨蛸在戶息逐切又音蠨是詩本亦作蠨也蠨桑繭說文無蠨字新義作象釋魚鱉是鱉新義作暨與集韻類篇合釋鳥鷺白鷺說文五經文字無鷺字廣韻十月白鷺一名揚鳥揚與新義合中華古今注亦云楊鳥白鷺也似鷹而尾上白則雪囟本及通行本亦有所本也其嘒嘒說文無嘒字新義作素與史記天官書合釋獸狸子隸新義作肄肄見集韻然非正文凡此數科皆所未及糾正徵引故附識之聊備一說惜不得起九京而質之助余訂正校勘者爲德清徐明經養原同縣趙秀才坦繕錄督

梓者同里朱秀才以升也嘉慶二十有五年歲次庚辰
六月乙酉朔十有四日戊戌仁和勞經原識

仁和勞檢書主

唐折衝府考後序

右唐折衝府考四卷爲先君未定之書先君箸此書初
稟於丁酉之冬迨戊戌秋棄養未及緒正手澤所遺不
忍任其殘闕也謹緝先志畀季弟格校補成之星甫趙
先生既爲之序其證據有未詳者謹補敘其指略焉折
衝府之隸禁衛者每衛所隸多寡不一新書兵志左右
衛皆領六十府諸衛領五十至四十其餘以隸東宮六
率考之唐六典左右衛有五十府左右驍衛有四十九
府左右武衛有四十九府左右威衛有五十府左右領
軍衛有六十府左右金吾衛有五十府至東宮六率太

子左右衛率府有五府左右司禦率府有三府左右清道率府有三府而左右衛皆總制之其數與兵志已自不合且與上所云五百九十四府之數亦復相違又考自周至唐初諸衛每衛皆設驃騎將軍左右車騎將軍以統治諸府苗神客乙速孤神慶碑云祖安周右武侯右六府驃騎將軍父晟皇朝上開府右武侯右廿府左車騎將軍轉驃騎將軍楊炯原州百泉縣令李楚才神道碑云武德五年遷右衛二十四府右車騎將軍雖於史無可考然可證諸衛皆設驃騎將軍及左右車騎將軍也而六典云後周置武侯率隋置左右武侯府通典云開皇中置驃騎將軍府每府置驃騎車騎二將軍据

神慶碑則周已置武侯府及驃騎將軍此足糾二書之違失者檢非敢謂能讀父書僅以記憶口授者附識最後繫檢等荒陋無似未能徧討羣籍雖稍稍補綴容有遺漏嗣有考得當續增之繕校既畢爰墨於版自遭孤露于今四年重讀遺書痛心滋淚餘所爲詩文樂府彙多散逸所存敝帚集什不得一二行當於淪墨敝紙中集錄之以存梗概云辛丑十二月既望男檢謹識

附錄趙鉞唐折衝府考序吾友勞君笙士考諸新舊書紀傳參以傳記地理之書旁及諸家文集石刻碑誌鉤稽薈萃箸爲此考書垂成而君遽歿其季子季言秀才格編其遺彙補輯成書 余始識君方各事

撰述余時爲唐郎官石柱題名及御史臺精舍題名
考而君適箸是書乃中年徂謝所擬續箸俱未遑綴
輯此編亦幸得季言繼志纂成雖未足盡君之蘊而
君要於是爲不朽矣季言勤勤先箸有足多者倘能
踵成其先人未竟之緒余於季言有厚望焉余年來
衰遲晚晚題名兩編屬稟垂半今亦託付季言是則
余能不虛其區區之心力者亦終賴季言以傳矣

勞氏碎金卷之中

同縣後學吳昌綬輯錄

仁和勞權驛卿

元海運記二卷

鈔本

咸豐元年中秋日借得胡書農先生所藏經世大典
本錄副丹鉛精舍校勘

中吳紀聞六卷

汲古閣彙本

壬寅冬見中吳顧氏思適齋傳校義門學士校本令
小史移謄一副今復見盧抱經學士摘錄手校本卽
據何本重勘不盡依據葉鈔迺錄之卷眉回首初校
時已五年矣撫卷慨然道光丙午十二月四日蟬盦
記

安祿山事跡三卷 鈔本

安祿山事跡又名安史事跡唐華陰縣尉姚汝能所纂筆法明練最足據依蓋出同時有心人手非掇拾悠繆之作也辛巳上元郁秀才陞宣攜此書過草堂見贈敬叟識

中秋日過母自欺齋適見此冊乃從主人借歸有丁龍泓徵君八分手跋卷端有朱文小印二一丁字圓印一敬身二字聯珠印原本字跡草草又多譌脫鈔時略爲改正俟訪善本校之己亥十月五日龔卿勞權識於木夫容館

偶得符氏秋聲館鈔本校一過畧正誤字符本亦多

譌脫未可盡據也衡子

雲溪友議十二卷 舊鈔本

此帙頃在杭買之嘉禾沈雙湖吏部家書也以商本校比誤不勝改間有是處所賢於商本者惟每條標目尙存耳蟬隱

資暇集三卷 舊鈔本

此書刊本頗多類非善本 文瀾閣本係從錢遵王藏本傳錄末題埭川顧氏家塾梓行八字疑卽顧氏文房本也此本宋諱多缺筆尙從舊本錄出道光癸卯十二月廿七日用昭文張海鵬墨海金壺刊本比校張刻源出閣本與此無大異同卽訛謬處亦互有

得失俟再得願本覆勘丹鉛主人志

西溪叢語二卷 鶴鳴館刊本

道光癸卯季秋向高叔荃借得此書嘉靖刻本經鮑淥飲趙素門兩先生以澹生堂鈔本校勘時未蓄此本用汲古閣刻本傳校一過尋購得此帙有淥飲先生手補脫文兩則似亦據澹生堂本而校未竟也因以舊校本覆勘終卷隨以汲古并校之祁鈔次序不盡合又多出四則而少五則此本脫謬亦未得盡正汲古本亦與此本相同頗多校正第脫去令威自序耳咸豐丁巳八月二十六日仁和勞權驛卿記於秋井草堂

直齋書錄解題載姚氏殘語一卷西溪居士集五卷西溪樂府一卷殘語解題云又名西溪叢話已版行通考節去此語遂不知卽爲一書俞氏并不及殘語則又疏矣惟解題叢語作叢話恐係傳訛耳九月朔後一日鐙下記

西溪樂府惟花庵中興絕妙詞選錄其五闕陽春白雪絕妙好詞所選無出花庵之外者蟬隱書

咸豐丁巳八月以傳校山陰祁氏澹生堂鈔本并汲古閣刻本勘過丹鉛精舍主人記

酉陽雜俎二十卷續集十卷 舊鈔本

此米菴舊藏鈔本少末一卷又卷二三及後二卷凡

少四十七則雖多傳寫之誤以勘刊本有絕勝處刊本多所校改有不得其語意而妄改者非此本末由正之米菴間有校正處且分金網經鳩異作上下則不知其何所據今姑注於邊闌之下此本米菴定爲宋鈔殆未必然乃從宋刻傳鈔耳丹鉛精舍主人書初八日將午校畢鈔本有嘉定癸未鄧復後序影寫增入宋刻雖未得見實亦坊本耳臆卿權識於拂塵掃葉之樓

閏月中曾經覆校茲再校一過又補正一二字比較之難且如此十月初八日鐙下記

天台陳先生類編花果卉木全芳備祖前集二十七卷

後集三十一卷鈔校本

江淮肥遯愚一子陳景沂編輯建安祝穆訂正

曝書亭鈔本校 止前集缺末卷又後集止卷八前半卷

丁氏鈔本校 前集補校卷二之末廿七全卷并序餘卷略比對卷□補一首曝書亭本所無又有簽出所缺詩詞□處亦曝書亭本所無俟攷他本 後集全校

後集卷廿二又廿七引錦繡萬花谷提要說未的據韓境序此書出萬花谷後

昌經案此鈔每半葉十行款悉同首九字有葉石君藏印近見閩中一舊鈔本行款悉同首九字有葉石君藏印

次題天台陳景沂編輯勞校據元曝書亭本丁本標二題
改依舊式增補詩詞甚多意宋元以來流傳原有
本不全者或
經後人刪易也

詩家鼎鬪二卷 舊鈔本

此曝書亭鈔本頃以文瀾閣本相勘首葉所缺正同
其作者姓氏每多漏脫有倦叟題識其卽倦圃與否
不可知既據此校彼一過亦略注一二異字於行間
焉咸豐丁巳七月十九日勞權書

偶閱類編花果卉木全芳備祖於前集第十九卷桐
花類見引鼎鬪集詩旋檢是編則方士繇崇安分水
道中後二句也始信此書出宋人所選不必以未見
著錄致疑矣第不知選手姓名意當有序引而今脫

佚尙冀異日攷得之八月二十有一日鐙下又記於

丹鉛精舍是日蟬隱初度

李遐叔文集四卷 傳鈔四庫本

丹鉛精舍校本

乙巳夏據舊鈔文苑英華校正

校檢校尙書吏部員外郎趙郡李公中集序 獨孤及

丁未三月十一日據武進趙氏亦有生齋刊毘陵集
十三校 趙氏所刻毘陵集此篇每用英華改易由
所據英華闕刻脫去集本校語耳當以宋本及明刻
重定之

補蒙求序 丁未三月六日從日本佚存叢書第四

帙李瀚蒙求補 全唐文未載

補故翰林學士李君墓志 道光丁未上巳據康熙

間吳門繆氏重刻宋元豐臨川晏氏本李太白集補

鈔丹鉛精舍記

補論書 丁未上巳據乾隆間錢塘汪氏刊本書苑

精華補

伊闕汎舟記 遊志編目 文佚 以下季言附記

顧况祭李員外文 梁肅送李補闕序 爲獨孤使

君祭李員外文

栲栳山人詩集三卷 寶墨齋刻本

咸豐丁巳三月二十六日穀雨千頃堂鈔本卷端有

晉江黃氏父子藏書一印比復陰雨蘭茁未開權記

據邑志遺詩四卷今本乃佚其絕句一卷耳此徑以

上中下改其分卷則幾似完袂矣晦日覆校又記是

月小盡

二十七日薄暮校 左目作痛不能注視 雙聲臥

病鼻卿

二十九日已刻校黃本缺二十八首與盧本同向見

一鈔本送友尙存半首黃本則全佚矣 鼻卿

右盧學士二跋作於乾隆甲辰茲就抱經堂文集錄

附千頃堂鈔本亦缺宋文憲公序十年前族子典叔

秀才爲余從舊鈔本補錄并補二逸詩焉其刻本多

增之篇容出岑氏家本其移易分合或亦據之今以黃本相勘改正頗不少惜學士當日未見之耳異日脫獲學士校本當更審正之咸豐丁巳三月二十八日後學仁和勞權識時居蟬隱別墅

編注朱淑真斷腸詩集十卷後集四卷

手鈔本

頃鈔得此集注本復從函中尋得康熙間鹽官鄒氏鈔本卷分上下而無注編次稍有不同字句亦微異多出牡丹長春花黃花秋深偶作暮秋賞雪圍爐第一首凡七首據以補入別有送春詞夏日游湖二首係蝶戀花清平樂詞故不當入詩就校於汲古閣所彙斷腸詞本其春興一首乃太白宮中行樂詞第四

首也不知何緣誤編入之既校存異本并附其目於卷末咸豐丁巳八月十二日雨夜雙聲閣識

鄒氏鈔本附小青焚餘集一卷凡古詩一絕句十天仙子南鄉子二與某夫人書一有無名氏所作傳詩詞殊楚楚有致亦名媛集之一家也戊午三月六日燈下記

青山集八卷鈔補本

元鳳林書院選本名儒草堂詩餘中選青山詞末脫一葉僅存九闋皆爲集所不載
歷代詩餘選詞七闋亦集本所無見草堂詩餘者四闋餘三闋補錄族考

塞翁吟 歷代詩餘五十四玉獨新七十七鶯啼序一百

貞居先生集七卷鈔校本

外史詩文手定本已佚不傳明成化間姚綬得其橐
三卷嘉靖甲午陳應符刊之後毛子晉復得佚詩三
卷於烏程閔元衢附以同時酬唱之作爲補遺三卷
又搜得集外詩一卷刊於元人十家集此從寫本傳
出凡詩詞七卷第八卷爲雜文然止跋二首目亦割
裂容有殘缺也 此本相傳出樊榭山房藏本每卷
卷末增入之詩似徵君所補 道光壬寅祀竈夕丹
鉛生勞權記於鉛槧齋

甲辰十一月得舊鈔五卷別本再校前亦有徐序卷

端有江浙鄉貢進士姪誼編類吳郡徐達左校正題
名祇有詩而無雜文詩餘編次與此不同詩篇亦有
多寡以歌行歸入古詩今據其本點勘一過并錄其
詩附後別本無目今按卷錄之以備參校十七日午
後彙卿記

甲辰三月以知不足齋刊貞居詞校一過閱數次序
悉同此惟脫去一闕刊本出樊榭山人校本中注異
同與此本互有出入蓋卽從集中鈔出也未有補遺
二闕係從龍洲生本補入汲古本祇有此二詞非本集所元有
故不復附錄焉異卿記

汲古閣所編集外詩附柳梢青題楊補之墨梅一闕

爲鮑本所失補驛卿又記乙巳六月望

丁未冬見鮑氏底本蓋以小山堂趙氏本及明人鈔

本校吳訥名家詞本以吳本爲主校中不及厲徵君

本或別有校本付梓耳巽卿

右三跋
在詞後

丁鶴年先生詩集三卷

舊鈔本

丁鶴年詩從宋賓王校本傳出隨校一過原本卷首

四番及序跋補遺詩皆賓王手錄卷中誤字尙有塗

鉛未補者俟再值本校之癸卯九月四日鐙下書於

玉參差館臥室驛卿

紫岩于先生詩選三卷

舊鈔本

此本壬子年收得於知不足齋有吾鄉沈椒園廉訪

題字及諸藏書家印記中缺二葉以家本補錄復以

近年金華王氏冰壺山館叢書新刻本補中卷末妾

換馬一首及此序舊補弔古行云見元詩體要乃集

外逸詩也咸豐丙辰二月望春分後一日驛卿記於

秋井草堂

松雨軒集八卷

手鈔本

咸豐壬子秋吳興丁上舍肇慶寄示此集從淥飲先

生校本傳出松雨爲吾鄉先哲求之彌久一朝獲之

殊感丁君不靳一緘之雅意每卷淥飲有題識并錄

存之九月朔鈔此卷翌日錄畢仁和勞權驛卿記于

蟬隱別墅

初五日錄畢 夏間於池上構一亭子署名漚喜軒
窗臨水致饒佳趣秋風□□几席東向差嫌研水易
涸筆頭轉燥新製兔豪又不中書令人愈想風日妍
美筆研精良之適稟卿記 卷一

初十日錄畢 秋被乍過既佳光景懷抱暫開三度
病中值茲節今年幸此身尚健耳稟卿記 卷二

十二日午後錄 昨歸留宿玉參差館携墨遺阿禮
今早與典叔往答過存諸客計已五十日不出戶庭

矣蟬盒居士書 卷三

二十日錄手胝輟數日筆 屬有人事行避去入城
歸玉參差館點檢行李託環卿具舟去留情深遲遲

吾行也下午尋湘曉于霞綺堂共憶高叔荃下第後

倘未往湖州冀得能一面否漚喜亭主識 卷四

來城已六日旅中無事朝暮錄此早起次閑丈暨劍
秋先生枉顧同出問茶旋往菜市橋作句當歸齋鐘
動矣飯罷錄竟作此寂寂出門又無所詣不如向三
間蠡殼窗開一尊去耳二十八日蟬隱漫識寓仙林
寺祝壽房僧寮 卷五

十日朔獨游湖上歸后叔荃適乞假返杭來寓相尋
留連譚燕殊慰經年采葛之思初六日於瑞霞主人
許酌別次日抵家歸後復鈔此卷十三日記 卷六
元本以五言絕句置後茲移易之 此卷中秋前所

錄爲日不復記憶矣望日記卷七

知不足齋校本補詩七首惟登聚遠樓一首采于雲南通志其餘皆滄海遺珠集也今別編補遺附後且冀續得逸篇焉淶飲先生未覩刻本故譌脫未能盡正嘉靖重槧之本聞藏書家尙有之寄語丁君更爲留意耳

咸豐壬子仲冬望鏡下勞權校畢并識卷八

咸豐丁巳冬丹鉛精舍重錄

金奩集一卷手鈔本

跋金奩集

飛卿南鄉子八闕語意工妙殆可追配劉夢得竹枝

信一時傑作也清熙己酉立秋觀於國史院直廬是日風雨桐葉滿庭放翁書

咸豐戊午十月傳知不足齋寫本復從渭南文集卷第二十七錄此雙聲閣主人手書

附淶飲居士題識 右金奩集一卷計詞一百四十七闕明正統辛酉海虞吳訥所編四朝名賢詞之一也編纂各分宮調此他詞集及詞譜所未有間取全唐詩校勘中雜章莊四十七首張泌一首歐陽炯十六首溫詞祇八十三首疑是前人彙集四人之作非飛卿專集也按飛卿詞有握蘭金荃二集金奩豈即金荃之訛耶元本爲梅禹金先生評點余從錢唐汪

氏借鈔得之

歐陽文忠集一百三十二近體樂府應天長第三篇
校云金奩集作溫飛卿詞 權案花間集實作章莊
歐集校誤惟集名與此本合

片玉集十卷 手鈔本

咸豐丙辰季冬入城向汪鐵樵千戶借得此舊鈔本
係汪氏振綺堂舊藏祀竈日錄驛卿記 是夕上元
朱述之司馬爲迎新出城舟次塘棲見過草堂并招
季言來譚明日又記 卷一

小除夕錄 卷二

除夕錄漚喜亭主記 卷三

丁巳正月初九日晡時寫畢明日立春 陳姬歸予

巾月矣姬人初名染蘭予復字之曰雙聲蓋取春風

故實也去冬友人江西谷作緣於城納之西谷製玉

印爲賀 寄江七札爲雙姬乞方飲香生手識 卷四

元夕錄 寄烏程司訓高叔荃五兄札客臘在城解

后恩恩別去今屬渠回杭時相過以踐前約鐙下記

卷五

收鐙夜微雨錄于雙聲閣 卷六

二十日適有客招飲託故辭之健戶錄此 卷七

廿一日午後錄 鼎上人來得叔荃消息蟬隱記 卷

八

廿三日錄積雨陰寒 穠女笄年初度 卷九

校寫原本元喬夢符樂府畢接鈔此卷又借到陳允平西麓繼周集蓋和清真詞也勘定此帙行將鈔之

廿九日丹鉛精舍識是月小盡 卷十

和清真詞一卷 方千里 手鈔本

咸豐丁巳十一月中澣秋井草堂校寫廿一日小雪

用汲古閣栞本家典叔秀才手校本覆勘

和清真詞一卷 楊澤民 手鈔本

咸豐丁巳五月下旬据傳校趙氏小山堂鈔本并遲

雲樓鈔本對寫閏月朔夏至後一日覆勘

西麓繼周集一卷 手鈔本

咸豐丁巳二月十六日望傳新城羅氏寫本二十五

日春分社前一日雙聲閣錄畢記

清真唱和集八卷 道光乙巳夏武林王氏校印

汲古閣所刻片玉詞上下二卷云據清真集參校清

真所無者則注云清真集不載此據毛本用繼周集

數目鈔出非見清真集原本也 右跋周

宋詩紀事四十二方千里舒州簽判 題真源宮 宋

圖集

咸豐丙辰四月二十一日借吳興丁葆書家舊藏鈔

本校巽卿 右跋方

澤民卽續方千里而作詞調舉同惟少垂絲釣一闕

容脫去耳 澤民事實俟考略見蕙蘭芳引序中

咸豐丙辰十一月十二日借新城羅鏡泉司訓傳曝

書亭本校巽卿

右跋楊和詞後

吉甫用秦本改易秦所據選未暇一一校也

右跋陳和詞後

王吉甫寄贈託陶樂園致到

昌綬案此王氏惠迪吉齋活字印本未見舊帙以意為之不足據也書中亦多經巽卿批抹處

相山居士詞一卷 舊鈔本

壬子八月朔午刻據知不足齋寫本校

相山詞一卷書錄解題箸錄長沙百家詞本即此本也宋史藝文志附集本名相山長短句且二卷今四庫館纂修大典集本有詩餘三卷校此少二十餘闕

而如夢令和張文伯木犀一闕采桑子孫仲益集於西齋一闕菩薩蠻采蓮女一闕賀新郎送鄭宗承一闕可補此本之佚一翦梅後片脫句賴以補全其他誤脫亦改正不少相山詞長調雋爽小令尤婉秀微嫌存之稍濫耳咸豐癸丑五月晦飲香詞隱勞驛卿力疾校畢題記穠女來漚喜亭問疾是月小盡

養拙堂詞一卷 舊鈔本

直齋書錄解題載養拙堂詞集一卷但云管鑑明仲撰而不著其籍貫與此本相同直齋所據蓋長沙書坊所刻百家本也此本從吳興丁月河借得為毛斧季手校乘暇手寫一帙以補宋詞之缺道光己酉七

月十二日校畢誌蟬盦詞隱勞權

省齋詩餘一卷舊鈔本

己酉八月依毛斧季校本手錄驛卿

咸豐己未六月二十一日大典本省齋集校過多所
改正惜不及半耳秋井草堂記

書錄解題曰省齋詩餘一卷衡陽廖行之天民撰

蓮社詞一卷舊鈔本

張掄才甫蓮社詞一卷見直齋書錄解題已佚不傳
此道情鼓子詞乃應詔所撰初不見於箸錄此本卷
末殘缺卷首九闕係從花庵中興絕妙詞選錄入遂
改其標題疑汲古毛氏所爲予又从陽春白雪補得

一首此十首則蓮社詞中作也非見丁氏鈔本何從
證其僞耶咸豐丙辰七月驛卿手識

武林舊事七瀆熙十一年六月初一日車駕過宮云

云太上邀官裏便背兒至冷泉堂云云後苑小廝兒
三十人打息氣唱道情太上云此是張掄所撰鼓子
詞

又瀆熙六年三月十五日車駕過宮恭請太上太后

幸聚景園次日云云遂至錦壁賞大花云云是日知

閣張掄進壺中天慢賞大花詞草窗云此詞或謂是
康伯可所賦張掄以爲已作案今伯可順庵樂府既
佚諸選本亦不錄伯可此詞因錄於後蟬盦記

澗泉詩餘一卷舊鈔本

咸豐丙辰四月十八日借丁月河家藏舊本校此本
共百九十五闋大典本澗泉集祇九十八闋校補攤
破浣溪沙一闋權記

撫掌詞一卷舊鈔本

撫掌詞卷前不署姓名从典正詞傳出蓋南渡人詞也歐良乃編集者之名此本去後學二字遂以當作者矣末附倣李長吉十二月宮樂詞此係樂府故不得入詞原本所有仍補入之良南城人官司戶見劉後邨所作詩集序咸豐癸丑五月廿三日午後據曝書亭鈔本典正詞校過飲香詞隱勞顛卿記於漚喜

亭池上

遺山樂府一卷舊鈔本

遺山先生新樂府五卷此凌柘軒編選一卷本今秋鈔於王吉甫復遇趙氏星鳳閣鈔本校補缺一闋此本雖不如新樂府本之全顧有出於其外者抱經堂文集有題辭行附錄之道光甲辰十二月初九日鐙下巽卿記咸豐丁巳八月二十日新樂府本校於秋井草堂

詞綜發凡作兩卷卽此本也凡選廿有一闋隨勘一過漏三下飲香生識

扣舷集一卷手鈔本

咸豐甲寅六月道暑漚喜亭得閒無所作鈔此遣日
且屬沈環卿校之晦日飲香詞隱漫記於池上西窗
下

眉庵詞一卷手鈔本

咸豐甲寅閏七月漫錄時適移家玉參差館遷居甫
定心緒惓惓借此聊遣病懷金子及爲予校正中秋
前二日飲香生記於漚喜亭

張小山北曲聯樂府三卷外集一卷補遺一卷鈔校本

咸豐甲寅丹鉛精舍校正本己未九月復附入原本
喬夢符小令秋井草堂書記小史得囂手裝

滄江虹月詞二卷錢塘汪初絳人

周生駕部作絳人小傳謂其詞見賞於青浦王少司
寇其國朝詞綜二集所選此本具存周生又稱其入
蜀諸作尤工不知絳人身後曾有續刻否向未見此
稟從其族人劍秋丈索之許覓以見畀未幾而劍秋
下世茲季言於城中書攤買得此帙寄歸展閱一過
偶憶往事漫筆卷端劍秋亦工詞見其草稟叢雜不
自料檢今亦不可復問唯所注樊榭山房詩集稟本
予爲收拾之己未十月小盡日小雪鑑下臆卿記
蓮子居詞話載潘湘雲小影金縷曲二闋又摘其警
句云皆翩翩有致十一月朔黃昏雙聲閣主人書

秋水詞一卷嚴繩孫漢漁手鈔本

雙聲閣讀本 己未六月校寫 廿又四日大暑陳氏染蘭手裝

雲林堂詞五卷 仁和倪稻孫米樓 刻本校補

卷一 剪雲詞 凡三十三闋 中菩薩蠻一闋後編入酒邊花外詞已刪

卷二 蘆中秋瑟譜 凡七十四闋 沈東昉分作兩帙

卷三 夢隱詞 凡三十八闋

卷四 酒邊花外詞 凡六十四闋

海漚賸詞 凡五十八闋

共二百六十七闋

剪雲詞初刻名翦雲樓詞

雲林堂詞刻本四卷無海漚賸詞及序題詞借高叔

荃鈔本補錄 朱立齋云吳門戴竹友延介曾刊之借吳興陳氏魚計亭藏小敷山農沈東昉鈔本勘刻本蘆中秋瑟譜中多四闋蓋刪汰之詞又有它人倡和之作附鈔於末東昉鈔於嘉慶戊寅之夏道人猶自識以印記是秋道人下世則其刻尙在道人身後矣東昉所鈔與刻本多異同似仍就初槁傳錄而刻本則定本也顧可正刻本之誤者今著其字句於行間要當以刻本爲據

東昉鈔本與錢唐汪劍秋鈔選本所據之本相同與詞綜二集本亦多相合間有異處似王氏所見尤在前之初槁也

以海漚日記中丙寅丁卯戊辰三年詞彙證之信東
昀所鈔爲彙本

東昀鈔本不標雲林堂詞各自爲卷

東昀鈔本酒邊花外詞少鶴冲天一闕夢隱詞無自
跋又少李澹畦題及題詞三闕贖詞少末十闕

道人生於乾隆三十九年甲午卒於嘉慶二十三年
戊寅年四十六

吳興陳氏魚計亭鈔本於蘆中秋瑟譜多出刻本四
闕蓋刪汰詞也又有倡和之作五闕刻本不載附作
因并錄存之其戴簡窻李處士三闕則從其集鈔附
非元本所有也戊午花朝記

陳氏鈔本道人自識印記 夢隱子 鶴林外史

西湖夢隱 稻孫 米樓 夢隱庵 燕雁無心

荔牆詞二卷 烏程汪曰楨謝城

詞旨雅正詞律謹嚴小令秀婉清新慢詞密麗中間
以疏雋意度絕類南渡名家諸君評語擬以玉田蛻
巖殆非溢美同治癸亥十二月晚學勞權謹識於上
海旅舍

勞氏碎金卷下

同縣後學吳昌綬輯錄

仁和勞格季言

通鑑札記

吳縣葉廷瑄吹網錄

季言名格浙江仁和人
家塘栖候選訓導累世藏書極富終歲閉門惟事蒐討史學極深尤熟于唐宋故實余因胡心耘得交季言箋札常通終未一面有問即答獲益頗多辛酉杭州大亂遺籍盡散輾轉遷避吳江同里憂忿發疾甲子四月歿年四十五惜箸書未有成集通鑑札記七條曩所寄示存之聊見所學一斑也

泰始五年傅玄遷太僕 通鑑晉紀武帝咸甯四年

前司隸校尉傅立卒考異曰立傳曰五年遷太僕轉
司隸景獻皇后崩坐爭位罵尚書免尋卒按景獻后
崩在四年立傳誤也格案立為太僕在泰始五年
志后崩于咸甯四年通鑑誤認泰始為咸甯故以立
傳為誤耳

魏舒遜位年月 通鑑武帝太康七年春正月甲寅
朔日有食之魏舒稱疾固請遜位以劇陽子罷考異
曰舒遜位紀傳皆無年月本傳曰以災異遜位帝不
聽後因正旦朝罷還第表送章綬按本傳又曰遜位
之際人莫知者若今年正旦日食遜位至它年正旦
乃送章綬不得云人無知者蓋止因今者正旦朝罷

遂以災異遜位不復起耳格案藝文類聚四十七職

王隱晉書曰魏舒為司徒九年正月朝會罷逕原誤

御覽還家奉送章綬晉書同引則遜位當在九年通鑑

誤也歷代史表俱在七年誤又案代舒為司徒者帝

紀亦無明文今考當是石鑿晉書鑿傳曰遷右

光祿大夫開府以領司徒太康末拜司又帝紀太熙

元年正月己巳尚書左僕射王渾為司徒三月甲

子以右光祿大夫始真除王渾爾蓋

潭州臨桂嶺 隋紀開皇十七年虞慶則還至潭州

臨桂嶺胡注慶則傳作潭州臨桂嶺格案据今本慶

則傳注嶺當作鎮陳氏舉正云兩

章巨源貶麟州 唐紀天册萬歲元年正月章巨源
貶麟州刺史考異曰舊紀傳新紀表傳皆作鄜州舊案

書豆盧欽望統紀作瀛州實錄唐厯作麟州今從之
傳亦作鄜州音注曰貞觀五年置麟州以處生羌屬松州都督府
格案舊書地理志麟州係羈縻二十五州之一貞觀
五年置西麟州處生羌歸附八年去西字又云永徽
之後生羌相繼忽叛屢有廢置儀鳳二年復加整比
羈縻三十八州已無麟州之名巨源罷相不應遠刺
是州疑當以鄜州爲是

褚無量卒日 唐紀開元八年正月丙辰褚無量卒
考異曰舊本紀正月甲子朔皇太子加元服壬申右
散騎常侍褚無量卒按長厯正月甲寅朔甲子十一
日也唐厯亦云壬申無量卒今從實錄格案蘇頲贈

禮部尙書褚公神道碑開元庚申歲正月哉生魄薨

文苑英華八則實錄是也

同節度副大使 唐紀開元二十三年正月李過折

檢校松漠州都督考異曰實錄云同幽州節度副大
使舊傳云授特進檢校松漠州都督按過折雖有功
唐未必肯使爲幽州節度使今從舊傳格按唐書百
官志節度使副大使知節度事副使各一人同節度
副使十人或以刺史或以軍使或以兵馬使或以蕃
將兼充故員有十人過折時以都督同節度副大使
未嘗正授節度使非如知節度事之副大使及留後
之比也

唐大詔令封李過折北平郡王制亦云同幽州節度使乃張守珪

朱全忠奏貶趙克裕 唐紀昭宗景福元年二月朱全忠奏貶河陽節度使趙克裕以佑國節度使張全義兼河陽節度使考異曰實錄在正月末云全忠欲全義得河陽乃奏克裕有誣謗之言而貶新紀云己未朱全忠陷孟州逐河陽節度使趙克裕今從編遺錄格案舊五代史唐書武大順二年八月南巡澤潞略地懷孟河陽趙克裕望風送款請修鄰好則全忠之奏貶克裕以其貳於克用故耳胡注僅云二鎮時皆屬朱全忠或貶或兼唯其所奏尙未得其事實也又梁書趙克裕傳自毫鄭二州刺史太祖表爲河陽節度使檢校右僕射尋移理許田攷證云克裕移理許田是書未明言

其故據通鑑則克裕移鎮也因考是時忠武節度徙治梁祖欲以張全義領河陽也陳州許州時爲支郡克裕當自河陽節度使貶許州刺史非移鎮也舊傳當據克裕狀誌之文僅云移理而已

李相國論事六卷 舊鈔本

道光壬寅六月傳鈔 文瀾閣本丙午据歷代名臣奏議校奏議所采僅二十六條去取不甚當字句閒亦竄改刪節然此本舛脫藉以校正又卷三百四十一論回紇請昏一條似此七卷之闕篇今補錄附後餘如卷百三十一百八十七二百六十三三百二十一六條係采之綱目卷二百九十一條則采自新書

本傳又二百二上言德宗朝事末七十餘字亦與綱目文同有據以補此本之闕者誤矣是書成于大中五年距相國之沒二十餘年傳聞異辭不無失實適值李衛公遷謫之後故于趙公不無貶詞如論鄭綱事按其年月悉皆參錯而宋景文反據以補二傳宜其爲吳廷珍所糾也三月丙辰朔勞格季言父識

侍郎葛公歸愚集十卷影宋鈔本存卷五至卷十增入詞一卷爲十卷

咸豐壬子正月十八日鐙下季言據吳興丁氏鈔本校 四月廿五日雨中復以曝書亭藏鈔本校前三

卷亦有誤字季言志

咸豐壬子正月廿六日補鈔畢鐙下校丹鉛精舍記

卷七末 二月壬午朔鐙下覆勘畢 四月十八日依曝

書亭舊鈔本校文五卷卷十末

盤洲集八十卷舊鈔本

道光庚戌春三月丹鉛精舍藏本四月十有五口命

小史補鈔目錄並闕葉竟五月廿七日學林堂書

忠宣鄱陽集乾隆間从永樂大典錄出僅得四卷近

吳興陶君鼎元編輯文敏遺文八卷家桃叔茂才復

集文安小隱集數十篇未分卷第原第尚存者祇此

集耳是日午後又識

石林佚書補目吹網錄

葉少蘊自序并制誥錄 淮南措置事目言行別錄略載其事

當即 福建盜賊須知 兩鎮還山書稿 俱見遂初本

是也 葉石林書目 同類上目 葉石林集略 同類上別

傳類 許昌倡和集 同上總集類 韓元吉序見南澗甲乙稿

廷瑄案右七種季言搜得

雲莊先生劉文簡公文集十二卷 明刻本

道光己酉九月以試事客杭从山陰沈景唐先生購

得此集 附年譜 沈君因傳寫一本庚戌正月始行見

寄篝燈檢閱見集中制誥有與西山文集正同者因

取真集對勘始知真文屢入者幾至十八僅卷一奏

議 三十 申請一卷二易解十編次禮記解題辭一東

宮講讀九卷三詩二十卷六書六啓四卷七序二跋一

卷八記二卷十一墓銘一不見於真集此係文簡裔

孫所搜輯何以不審乃爾正月晦季言志

集中奏議以碑傳証之實係劉作惟似從行狀神道

碑宋史列傳輯出刪節殊甚甚至竄入史氏紀事之

語 乞絕金虜歲幣割子與奏乞罷遣賀正使 律書歷

書二序再攷

閣本是澹生堂鈔本前有李壘序坳真德秀碑文天

順間十世孫梗編此係劉穩重刻較梗本少文數首

亦不載德秀碑文

宋史 一百 列傳 六十 有劉燾傳

劉文簡公神道碑 西山先生真文忠 行狀 前尚書郎

見孔碩碑

補四先生祠堂記

赤城志集八

碑節引五句

與是集同購得者林屋山人漫稿舊鈔賈氏談錄足本

鐵崖賦彙一卷舊鈔本

東維子集不載所作古賦世所傳者僅有麗則遺音中三十二首及鐵崖文集中土圭蓮花漏記里鼓三首而已此本計賦五十首俱遺音所未載者蓋後人從青雲梯錄出以補其未備觀後錄朱子新跋自見初藏桐鄉金氏後歸吳縣黃氏錢塘何夢華主簿曾傳其副又重編爲二卷改名鐵崖賦彙以紫微垣爲

上卷首篇會通河爲末渾天儀爲下卷首進善旌爲末復刪去姑蘇臺賦第一首玩鞭亭賦一首每卷二十四首祇存四十八首次序移易非復元本之舊今掣經室外集提要所載鐵崖賦彙二卷卽何氏重編本也頃從高叔荃借得何氏元本始知何氏於諸賦中字句又多竄改不僅移易次第而已爰命工依元本影錄一本凡何氏所竄改悉爲標出使可識別使不見此本不幾以何氏重編者爲定本耶道光癸卯五月二十一日季言校畢識

此本諸賦題下悉無賦字與麗則遺音同又版心僅書鐵崖二字凡賦字以及賦稿上下等字俱係何氏

所加備書人誤依補入又賦中字句又從何氏改本
今悉塗乙以復其舊是日又識

此本雖係影寫頗多訛謬頃倩力之小史映郎用元
本逐字比較一過改正數十字然元本亦有譌字惜
不得青雲梯校之二十五日夏至季言又識

虞山人詩三卷 鈔校本

此長塘鮑氏知不足齋藏本乙巳仲春從吳山寶書
堂收得詩僅二百九十四首與自識所云三百三十
三首之數不符戊申二月陶鼎翁復以舊鈔本見示
多詩三十九首因命小史映郎補足并目錄八葉鮑
氏所藏鼓柶彙今歸上元朱述之大令他日當借校

之丹鉛生勞季言識

映郎錄得數首旋以病輟因命人補完殊悵悵

大雅集八卷 舊鈔本

此編當發雕於元末而斷手於明初故鐵雅序及梧
溪後序所舉任劄劘者不同其姓氏也善卿自序不
著年月殆作於初刻時竹垞謂其曾教授松江而梧
溪序實謂客授且編中入明之詩亦不僅林洵二首
而已遲雲樓主人寄來吳中吳枚菴舊藏倦圃鈔本
校此并錄曝書亭集跋附後曾見周漪塘書目尙有
刻本也丹鉛精舍主人記

左氏古義六卷 鈔本 補

左氏古義長興臧眉卿先生壽恭著前從烏程周蓮
伯孝廉學濂借錄 咸豐己未七月十日戊寅校閱
一過勞格記

段大令 玉裁 春秋左氏古經每條特出訂正之語有
可補此書之漏略及互相證明者宜錄於卷端丹鉛
生又記

附錄

藏書紀事詩 長洲葉昌熾

繡驅諸子走都市牽絲撮弄又何知忽嫌架上無精本
如此椎埋亦大奇

師友淵源記勞權字平甫格字季言居浙江仁和之
塘棲鎮髫年俱以治經補弟子員後遂不與試丹鉛
雜陳專攻羣史時人有二勞之目 葉廷瑄浦西寓
舍雜詠真讀書人賊亦欽纖塵不使講帷侵黃巾知
避康成里漢季儒風又見今注云仁和勞季言家唐
棲累代富藏書季言尤以博洽名賊酋至其門戒其
徒謂此讀書人家毋驚之入室取架上卷帙觀之曰

聞此家多藏秘籍何此皆非善本殆移匿他處耶徘徊良久不動一物而去賊亦知書異哉季言人素篤實貽札自述當非虛語

公是集拾遺跋

光緒十九年福州補修聚珍版本

右劉氏敝佚文三首皆乾隆時四庫館臣所未及摻輯者近人仁和勞氏格從各書探出列其目於所著讀書雜識中其歐陽修宋祁等轉官制一首勞氏因宋文鑑所載不詳又取校宋本歐陽文忠年譜參校補足故錄有全文并系跋語云錢少詹修唐書史臣表謂宋祁自吏部侍郎轉工部尚書范鎮王疇二人各轉一官吏不言轉何官依宋制叙遷格范官吏

部郎中當轉戶部郎中王官刑部郎中當轉兵部郎中皇祐二年明堂恩范王宋三人亦應轉官而史無明文今據此制則歐陽修自給事中轉吏部侍郎宋祁自吏部侍郎轉尚書左丞是當轉一官而范鎮自禮部郎中特授吏部郎王疇自刑部郎中特授右司郎中當各轉二官非一官也又表宋敏求以太常丞轉工部員外郎據制是太常博士又文鑑工部誤作祠部云云考錢少詹所作修唐書史臣年表載於知不足齋所刻新唐書糾謬卷首因未見此制故不知范鎮王疇所轉何官其引宋制叙遷格既出於憑空懸擬故於王范二人係各轉二官更所未知今勞氏

據此制以補正錢表之闕失洵於史事有裨亦足徵考證之學之非可易言也茲既照勞氏參校本補刻此制并錄其跋語於此以備稽核而容齋四筆中所載二制亦本諸勞氏書錄出刊附惟勞氏所錄公是逸文之目尙有嘉祐四年十月歐陽修加護軍食實封制一首云見於歐陽公年譜又有嘉祐四年九月呂溱落職分司制云見於宋大詔令蓋據長編百九十載知制誥劉敞草溱謫辭簡直好節推誠不疑等語又百九十二載臺諫劾敞行呂溱責官制詞乃因不直之事故斷此制亦公是所作以上兩制借鈔未到不能併補記俟續增勞氏又謂公是集中有誤收

他人之作詩則如晝寢五律一首見原本李壁王荆公詩箋注文則如韓通贈中書令制一首見宋文鑑三十七事在太宗朝刻本誤蒙上文列劉敞名又王開府行狀一首據長編元豐三年九月乙酉注是劉摯作以上詩文似應刪除因此本舊刻已久未便改刊用附誌以告後之讀是集者光緒甲午仲冬之月會稽孫星華子宜識

仁和勞氏父子家承樸學屏居鄉里世罕著聞自月
湖丁氏棨本出學者競稱道季言而臯卿撰述仍翳
如也伯宛輯勞氏碎金康助之蒐討頗獲一二遺籍
今春估人忽從南中輦致勞氏書百數十種同志分
得之又補臯卿季言跋語如干事其書大率手自寫
定飲行夾注細猶鍼縷反覆斟酌期無贖義前輩精
詣絕人如此顧此猶枚墜之餘爲丁陸諸家所未及
收致者溼晦將五十載迺忽聚於一時緣會邂逅殆
非偶然伯宛懃懃整比蓋卽此本棨之爲校讐家增
一故實也宣統紀元己酉三月武進董康

勞笙士先生刻爾雅匡名在嘉慶季年臯卿季言方

幼弱比長而媚學徧徵羣籍詳加改補朱墨雜下幾倍原書此本今歸予家惜未暇爲之董理又獲季言手彙以洪遵翰苑羣書舊闕中卷證以直齋書錄補輯錢惟演金坡遺事晁迥別書金坡遺事李宗諤翰苑雜記三種并補唐宋翰苑題名案四庫提要謂通考有唐張著翰林盛事及李宗諤書正足十一家之數蓋以李昉禁林讌會集亦爲一種其實讌會集原附蘇耆次續翰林志後今本洪書誤入上卷之末晁氏郡齋讀書志所引已如此季言改歸下卷別補三家始爲完具至晁志有翰林雜志一卷稱不題撰人或云蘇易簡子耆采其父翰林續志所遺附益之季

言謂蘇志見存與所載不合當卽李宗諤之雜記其中韋執誼故事元稹壁記已見洪書上卷疑從此析出並據文苑英華補韋表微新樓記杜元穎監院使記二篇所輯至爲詳覈故附著之黃陂陳僉事毅得季言續宋宰輔編年錄二冊於諸家文集制詞摭摭甚備明萬厯間呂邦燿曾續宋徐自明書凡二十六卷提要謂自明書每人具載命官及罷免制詞足徵一朝典故嘉定以後雖無專書可攷而見於南宋文集者尙有流傳邦燿不能蒐輯增補反斥其有無不足重輕尤爲寡識季言此本意蓋近糾呂作遠紹徐編惜亦未竟之緒觀其鉤索羣書於唐宋掌故至爲

治孰家學源流具可攷見零編殘表一二僅存尤足
珍已湘潭袁思亮記



